

Pravila nagradne igre „Ride with Planika - osvoji Mexx e-bike”

Ovim Pravilima se propisuju uslovi i način priređivanja, kao i sadržaj nagradne igre „Ride with Planika - osvoji Mexx e-bike”.

OSNOVNE INFORMACIJE O PRIREĐIVAČU NAGRADNE IGRE

Član 1.

Organizator nagradne igre pod nazivom „Ride with Planika - osvoji Mexx e-bike” je Planika Flex d.o.o. (JIB: 420044551002), Hajrudina Šabanije br. 39, Sarajevo, Novi Grad (dalje: Organizator). Nagradna igra se sprovodi u svrhu promocije Organizatora i brendova u ponudi. Osoba koja se prijavi radi učestvovanja u nagradnoj igri dalje u tekstu naziva se Učesnik. Ova pravila nagradne igre (dalje: Pravila) biće objavljena na oficijelnoj web stranici www.planika.ba, kao i u dnevnim novinama „Dnevni avaz” koji se distribuira na teritoriji FBiH prije početka nagradne igre.

TRAJANJE I SVRHA PRIREĐIVANJA NAGRADNE IGRE

Član 2.

Nagradna igra traje od 05.08.2026. od 00:00h do 05.09.2026. godine do 23:59h i odvija se putem <https://planika.ba/bs/mexxnagradnaigra> stranice.

Član 3.

Nagradna igra se priređuje na teritoriji Federacije Bosne i Hercegovine, a pravo učestvovanja u nagradnoj igri na dan započinjanja nagradne igre imaju sva fizička lica koja su državljani Bosne i Hercegovine. Samo osobe starije od 18 godina imaju pravo da učestvuju. U nagradnoj igri ne mogu učestvovati osobe koje su uključene u njegovu organizaciju i pripremu, naročito zaposleni kod Organizatora, kao i članovi njihovih užih porodica. Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda. Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

USLOVI UČESTVOVANJA U NAGRADNOJ IGRI

Član 4.

Za učešće u nagradnoj igri potrebno je da je Učesnik član Planika Club programa lojalnosti, da je punoljetna osoba te da obavi kupovinu isključivo putem online shopa www.planika.ba u iznosu ukupne narudžbe jednakom ili većem od 150,00 KM, skenira QR kod ili posjeti link s reklamnog letka koji će dobiti uz kupljeni proizvod online putem, a koji će ga dalje preusmjeriti na stranicu <https://planika.ba/bs/mexxnagradnaigra>, te

u predviđena polja unese ime i prezime, datum rođenja, grad, adresu, e-mail adresu, broj telefona, broj fiskalnog računa, šifru kupljenog artikla te broj Planika Club kartice i klikne na kućicu pored izjave da se slaže sa Pravilima nagradne igre. U slučaju da učesnik po istoj narudžbi/kupovini dobije više fiskalnih računa za više kupljenih proizvoda, prijavu može izvršiti sa podacima sa bilo kojeg od računa, ali na način da prijavu izvrši samo jednom. Učesnik u nagradnoj igri može postati član Planika Club programa lojalnosti i za vrijeme trajanja nagradne igre. Nakon čega može obaviti online kupovinu najkasnije do 05.09.2026. godine kako bi učestvovao u nagradnoj igri.

Učesnik je dužan da za vrijeme trajanja nagradne igre sačuva fiskalni račun kao dokaz o obavljenoj kupovini i isti predoči prilikom preuzimanja nagrade. Svaki učesnik se može prijaviti onoliko puta koliko ostvari različitih kupovina, ali samo jednom po svakoj pojedinačnoj kupovini/narudžbi, a da pri tome ispuni neophodno uslove za prijavu za učešće u nagradnoj igri.

Učesnici koji se ne registruju u skladu sa Pravilima biće automatski isključeni iz učešća u nagradnoj igri, odnosno neće biti uzeti u obzir za dobijanje nagrade. Isto će se postupiti i prema onim učesnicima koji su dali netačne podatke. Ukoliko se ova činjenica utvrdi, ta lica odmah gube pravo na dalje učešće, odnosno dodjelu nagrade ukoliko je u međuvremenu osvoje. Lica koja su dala netačne ili tuđe podatke, isključivo odgovaraju za takvu zloupotrebu podataka.

Organizator zadržava pravo ne uzeti u obzir prijedloge koji odražavaju rasnu, polnu ili neku drugu vrstu diskriminacije ili na bilo koji drugi način krše ova Pravila ili zakone Federacije Bosne i Hercegovine. Svako korišćenje lažnih glasova ili dvostrukih i lažnih prijava ili opravdana sumnja u postojanje istih, sankcionisaće se eliminacijom Učesnika iz nagradne igre.

NAČIN IZVLAČENJA DOBITNIKA NAGRADA I SASTAV KOMISIJE ZA IZVLAČENJA NAGRADA

Član 5.

Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika. O toku izvlačenja Komisija će voditi zapisnik koji će minimalno sadržavati:

- mjesto, vrijeme i način izvlačenja dobitnika
- broj i datum Rješenja Federalnog ministarstva finansija,
- datum i naziv medija u kojem su pravila nagradne igre objavljena,
- imena i prezimena članova komisije,
- imena, prezimena i adrese dobitnika
- naziv i vrijednost nagrade pojedinog dobitnika.

Cilj nagradne igre je odabir 1 Učesnika na <https://planika.ba/bs/mexxnagradnaigra> stranici uz prisustvo tri člana komisije u sastavu: Adnan Alispahić (predsjednik komisije), Melika Halilbegović (član), Podrug Merima (član). Komisija će po završetku nagradne igre, odnosno 07.09.2026. godine, odabrati 1 dobitnika u Podružnici Sarajevo 12, Bingo Retail Park, Kurta Schorka br. 28, Sarajevo u 08:00 sati na način da će bazu svih registrovanih Učesnika eksportovati u excel file te importovati na stranicu koja će slučajnim odabirom izlistati 1 (jednog) dobitnika. Priređivač zadržava pravo promjene mjesta i načina izvlačenja dobitnika te sastava komisije shodno objektivnim okolnostima, o čemu će blagovremeno informisati javnost putem web stranici www.planika.ba

Pored glavnog izvlači se i jedan alternativni dobitnik, koji se smatra dobitnikom u slučaju da prvobitno izvučeni dobitnik ne ispunjava uslove ili u slučaju da prvobitnog dobitnika nije moguće obavijestiti o osvajanju nagrade u roku od 10 dana, jer je naveo nepostojeću ili pogrešnu adresu ili kontakt telefon. Ime/Prezime/Grad dobitnika, te video zapis izvlačenja biće objavljeni u roku od 48h nakon završetka nagradne igre i to na www.planika.ba stranici. Dobitnik osvaja jedan (1) Mexx Kona e-bike.

NAČIN OBAVJEŠTENJA I OBJAVLJIVANJA DOBITNIKA NAGRADA TE MJESTO I ROK ZA PODIZANJE NAGRADA

Član 6.

Organizator će odmah po završetku izvlačenja kontaktirati dobitnika putem telefona ili e-mail adrese koju je unio na web site prilikom prijave. Dobitnik je dužan, nakon obavijesti o osvojenoj nagradi u roku od deset (10) dana potvrditi prijem obavijesti i preuzimanje nagrade. Prilikom preuzimanja nagrade Organizator zadržava pravo zahtjevanja fiskalnog računa dobitnika na osnovu kojeg je izvršena registracija i prijava za nagradnu igru.

Ako se dobitnik u navedenom roku ne javi, gubi pravo na nagradu. U tom slučaju nagradu preuzima alternativni dobitnik.

Ukoliko zbog okolnosti za koje nije kriv Organizator (dostavljeni pogrešni lični podatci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

Preuzimanjem nagrade od strane dobitnika prestaju sve obaveze Organizatora prema Učesniku odnosno Dobitniku. Dobitnik ne može zahtijevati nagradu u većim količinama ili drugačiju od one koja je navedena u ovim Pravilima od strane Organizatora. Nagrada nije zamjena za novac, drugi proizvod ili uslugu. Svaki Učesnik može osvojiti najviše jednu nagradu. Nagrade će biti uručene dobitnicima i to na adresi Planika Podružnice Sarajevo 12, Bingo Retail Park, Kurta Schorka br. 28 u Sarajevu, lično i o vlastitom trošku, a najkasnije u roku od 30 dana od dana obavijesti dobitnika o osvojenoj nagradi.

FOND NAGRADA

Član 7.

Pojedinačna vrijednost nagradnog fonda je 854,70 KM + PDV. Nagradni fond čini ukupno jedna nagrada i to jedna (1) glavna nagrada – Mexx Kona električno biciklo ukupne vrijednosti sa PDV-om 1.000,00 KM.

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. Nagrada se ne može zamijeniti za novac, druge proizvode ili usluge. Nagrada uključuje porez na dodanu vrijednost kojeg plaća Organizator. Fotografije svih nagrada na svim promotivnim materijalima su simbolične i služe samo za informativne svrhe.

Porez na dohodak na nagradu ostvarenu učešćem u nagradnoj igri, obračunat će se u skladu sa propisima Zakona o porezu na dohodak FBiH.

USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI

Član 8.

Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre i na <https://planika.ba/bs/mexxnagradnaigra> stranici.

Organizator zadržava pravo da prekine nagradnu igru, u slučaju okolnosti za koje Organizator nije odgovoran, odnosno koje nije mogao sprečiti, otkloniti ili izbjeći, u kojem slučaju se oslobađa svih mogućih nastalih obaveza prema Učesniku.

Organizator ne snosi nikakvu odgovornost zbog tehničkih problema ili grešaka u unosu podataka i drugih razloga koji ne zavise od Organizatora. Učesnik koji učestvuje u nagradnoj igri prihvata prava i obaveze iz Pravilnika.

Organizator će pregledati sve poslate prijave te zadržava pravo da u bilo kojem trenutku diskvalifikuje Učesnika ako:

- Učesnik prekrši Pravila;
- Ukoliko je učesnik maloljetna osoba
- Učesnik ne potvrdi prijem obavijesti i preuzimanje nagrade u roku od 10 dana ili ostavi netačne lične podatke ili iz drugog razloga nije moguće stupiti s njim u kontakt;

- Jedna ili više osoba koje su označene u prijavljenom sadržaju zatraže uklanjanje sadržaja iz nagradne igre iz bilo kojeg razloga;
- Učesnik se koristi lažnim profilom za prijavu na nagradnu igru. Lažnim profilima će se smatrati svi profili za koje postoji osnovana sumnja da su kreirani isključivo u svrhu učestvovanja u nagradnoj igri;
- Prijavljeni sadržaj ima uvredljiv ili vulgaran sadržaj, ili na bilo koji način predstavlja sadržaj koji nije u skladu s ovim pravilima ili zakonom;
- Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.

KORIŠĆENJE LIČNIH PODATAKA

Član 9.

Prije prijave na nagradnu igru Učesnik potvrđuje da je upoznat sa Pravilima i uslovima prikupljanja i obrade njegovih ličnih podataka. Svaki učesnik je prilikom prijave za učešće u nagradnoj igri obavezan dati saglasnost elektronskim putem da je saglasan da se njegovi podaci prikupljaju za svrhu učešća u nagradnoj igri, a u skladu sa Zakonom o zaštiti ličnih podataka Bosne i Hercegovine. Organizator će isključivo za potrebe učešća na nagradnoj igri od Učesnika prikupljati ime, prezime, datum rođenja, grad, adresa, telefon, e-mail adresu, broj računa, šifru artikla i broj Planika Club kartice lojalnosti te u druge svrhe ne smije koristiti ove lične podatke.

Svi podaci o ličnosti Učesnika koji se prikupe u toku nagradne igre isključivo se koriste u svrhu sprovođenja i realizacije nagradne igre. Podaci o ličnosti Učesnika i Dobitnika čuvaju se najduže 2 mjeseca od završetka nagradne igre, nakon čega se trajno brišu.

Organizator će ime, prezime i grad dobitnika objaviti na internetskoj stranici bez vremenskog i prostornog ograničenja. Učesnik je slobodan u svakom trenutku da zatraži od Organizatora da prestane sa obradom njegovih podataka o ličnosti slanjem maila na marketing@planika.ba i prihvata da takvo uskraćivanje može rezultirati nemogućnošću učestvovanja u nagradnoj igri. Organizator će preduzeti sve potrebne korake u organizacionom i tehničkom smislu da zaštiti podatke o ličnosti Učesnika u skladu s važećom regulativom. Organizator ne može snositi odgovornost za podatke o ličnosti trećih lica koja nisu direktni učesnici konkursa, a koje je Učesnik dostavio u okviru postavljenog sadržaja. Smatra se da je Učesnik prikupio saglasnost trećih lica čije podatke o ličnosti je dostavio unutar svog sadržaja u slučaju da ta lica nisu Učesnici nagradne igre.

Učesnik je dužan prilikom davanja podataka dati istinite, tačne i potpune kontakt podatke o sebi. Učesnik je saglasan da ga Organizator kontaktira koristeći njegove kontakt podatke. U slučaju nedostupnosti Učesnika iz bilo kojeg razloga, uključujući netačne podatke ili nemogućnost uspostavljanja kontakta, postupiće se u skladu s odredbom člana 5. Pravila.

Učesnik slanjem prijave na nagradnu igru potvrđuje da je obavješten o prikupljanju i obradi njegovih podataka o ličnosti. Učesnik se detaljinje o obradi podataka o ličnosti

koju vrši Organizator može informisati kroz Obavještenje o zaštiti podataka koje je objavljeno na zvaničnoj internet stranici Organizatora www.planika.ba.

Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvaća da takvo povlačenje saglasnosti uzrokuje nemogućnost daljnjeg učešća u nagradnoj igri.

NADLEŽNOST SUDA

Član 10.

U slučaju spora između Organizatora i Učesnika nadležan je Općinski sud u Sarajevu. Pravila se primenjuju počev od dana objavljivanja na internet stranici <https://planika.ba/bs/mexxnagradnaigra> i u dnevnim novinama dostupnim na teritoriji FBiH.

Br: 1334/26

U Sarajevu, 03.07.2026.

Elvir Hurić
Direktor